



Tuzla, Rudarska br. 65; Tel./fax: +387 35 369 401; web site: www.vladatk.kim.ba

Broj : 15/1-05-010594/17

Dana, 25.05.2017.godine

Na osnovu člana 70. Zakona o javnim nabavkama („Službeni glasnik Bosne i Hercegovine“, broj: 39/14), te prijedloga Komisije za javne nabavke Ministarstva za boračka pitanja, utvrđenog u Zapisniku o ocjeni ponuda, broj: 15/1-05-010594/17 od 25.05.2017. godine, Ministar za boračka pitanja Tuzlanskog kantona, donosi:

ODLUKU

I

U okončanom otvorenom postupku javne nabavke usluga banjsko klimatskog liječenja ratnih vojnih invalida, dobitnika ratnih priznanja i odlikovanja i nositelja „Partizanske spomenice 1941“ sa indikacijama i povredama kičmene moždine sa hidroterapijama, upalnog i degenerativnog reumatizma, postraumatskim i postoperativnim stanjima na lokomotornom aparatu, oboljenjem mišića i povredama centralnog nervnog sistema, izabran je ponuđač Javna zdravstvena ustanova Centar za fizikalnu medicinu, rehabilitaciju i banjsko liječenje „Ilidža“ Gradačac, te se istom dodjeljuje ugovor o pružanju usluga.

II

Ponuđač iz tačke I ove Odluke je odabran na osnovu kriterija ekonomski najpovoljnija ponuda.

III

Ova Odluka stupa na snagu danom donošenja.

Obrazloženje

Ministarstvo za boračka pitanja Tuzlanskog kantona (u daljem tekstu: Ministarstvo) je pokrenulo postupak za izbor najpovoljnijeg ponuđača za nabavku usluga banjsko klimatskog liječenja ratnih vojnih invalida, dobitnika ratnih priznanja i odlikovanja i nositelja „Partizanske spomenice 1941“ sa indikacijama i povredama kičmene moždine sa hidroterapijama, upalnog i degenerativnog reumatizma, postraumatskim i postoperativnim stanjima na lokomotornom aparatu, oboljenjem mišića i povredama centralnog nervnog sistema. Predmetni postupak je pokrenut putem otvorenog postupka, objavljivanjem Obavještenja o nabavci, broj: 1015-1-2-7-3-2/17 na Portalu javnih nabavki, dana 27.04.2017. godine.

U ostavljenom roku, ponude su dostavila tri ponuđača, i to: Javna zdravstvena ustanova Centar za fizikalnu medicinu, rehabilitaciju i banjsko liječenje „Ilidža“ Gradačac, Lječilište „Reumal“ Fojnica i Privatna zdravstvena ustanova Lječilište „Aqua Bristol“ Tuzla. Nakon javnog otvaranja, Komisija za javne nabavke je izvršila detaljan pregled dostavljenih ponuda, te utvrdila da ponuđač Privatna zdravstvena ustanova Lječilište „Aqua Bristol“ Tuzla nije dostavio dokaze kako je zahtijevano Tenderskom dokumentacijom broj:15/1-05-010594/17. od 27.04.2017. godine (u daljem tekstu: Tenderska dokumentacija) Naime, navedeni ponuđač je ocijenjen nekvalifikovanim jer u skladu sa tačkom 24. Tenderske dokumentacije, isti nije parafirao sve stranice priloženog Nacrta Ugovora. Kako je u tački 13. Tenderske dokumentacije decidirano navedeno: „Pri pripremi ponude ponuđač se mora pridržavati zahtjeva i uslova iz tenderske dokumentacije“, to je zbog navedenog predmetna ponuda neprihvatljiva i ista se odbacuje, a shodno

odredbi člana 68. stav (4), tačka i) Zakona o javnim nabavkama („Službeni glasnik Bosne i Hercegovine“, broj: 39/14, u daljet tekstu: Zakon).

Ostali ponuđači dostavili su dokaze na način kako je zahtijevano Tenderskom dokumentacijom, zbog čega su ocijenjeni kvalifikovanim za dobro obavljanje posla, a njihove ponude ocijenjene su prihvatljivim. Prihvatljive ponude kvalifikovanih ponuđača Komisija je rangirala u odnosu na zadani kriterij odabira ekonomski najpovoljnija ponuda, koji je uključivao podkriterije: cijenu, rok plaćanja i rok izvršenja usluge. Budući da ponuda ponuđača Javna zdravstvena ustanova Centar za fizikalnu medicinu, rehabilitaciju i banjско liječenje „Ilidža“ Gradačac u svemu zadovoljava zahtjeve predviđene Tenderskom dokumentacijom i ostvarila je najveći broj bodova, Komisija za javne nabavke Ministarstva za boračka pitanja (u daljem tekstu: Komisija) je predložila da se istom dodijeli ugovor.

Cijeneći izneseno, te činjenicu da su u ovom postupku zadovoljeni svi principi utvrđeni Zakonom, Ministar za boračka pitanja Tuzlanskog kantona je prihvatio preporuku Komisije i Odlučio kao u dispozitivu ove Odluke. Ova Odluka objavit će se na web stranici Ministarstva, istovremeno sa upućivanjem ponuđačima koji su učestvovali u ovom postupku javne nabavke, u skladu sa članom 70. stav (6) Zakona.

POUKA O PRAVNOM LIJEKU: Protiv ove Odluke može se izjaviti žalba u roku od 10 dana od dana prijema iste. Žalba se podnosi ovom Ministarstvu, na adresu Rudarska 65, 75 000 Tuzla.

Dostavljeno:

- 1x JZU „Ilidža“ Gradačac
- 1x Lječilište „Reumal“ Fojnica
- 1x PZU Lječilište „Aqua Bristol“ Tuzla
- 1x a/a

MINISTAR
Fahrudin Skopljak, dipl. ecc.

